



*Kamis, 29 September 2022*

**Ogen: Jakup 1:22-25**



Desken Ercurmin



“*Sudahkah anda bercermin hari ini?*” Tulisen enda cukup rusur si idah deher curmin ngataken segelah ula lupa mperdiateken ngulihni penampilen si nggo ipesikap kita. Banci jadi sikap pe si ban lit denga si kurangna. Usaha guna ercurmin emekap tindakan erjaga-jaga gelah ula si la bagi ukur jadi, ntah mela erkiteken lit si la payo bas dirinta. Tapi curmin e labo beluh mpehulikenca, si la sikap e. Nulih kempak dirinta, kenca ercurmin kune lit si idah langa mejile, sipesikap maka ulihna reh jilena. Tapi adi ercurmin kita si idah lit siman pekenan tapi si pediat maka labo lit si salih.

Bageme Jakup erbahan anding-andingen kerna kalak si la robah amin gia nggo megi-megi kata Dibata. Sabap adi si begi saja tapi la lit usahanta ndahikenca, nggeluh sue kata Dibata maka situhuna labo lit pertambahen nilaita, sabap la lit perubahenta. Tapi adi si dengkehken kata Dibata, si timbang-timbang bas pusuhta janah si pindo gegeh man Kesah Si Badia guna ngelakokenca, tentuna lit ulihna. Laminter kelsehen amin jumpa kesusahen, kegagalen ras tantangan. Sabap alu rusur-usur silakoken e reh tangkasna pengertin kata Dibata bas geluhta. Inget curmin labo banci mpejilei kita, tapi ipersingetina kukurangenta. Adi lit si melket bas ayonta labo terbersihkenca, sabap la kin e dahinna. Kata Dibata erguna ningetken salah ras dosanta, mpeturah kesadaren kerna kekoten ras kinilatunggungenta. Emaka bagi perluna rusur ercurmin kita pe arus rusur ngoge Kata Dibata, ngoratisa ras teman. Adi si oge tambah pemeteha, bas silakoken tambah pengertinta. Reh rusurna silakoken maka nggo jadi biak geluhta, dungna kata Dibata jadi orat ngeluh si ersada ras kita janah jadi tanda kita sikerangen Tuhan Dibata.